




ORANJESTAD(AAN)-
"Awe nos lo topa liderazgo real. Idealnan, obhetivanan comun, e bienestar di tur hende cu ta bira instrumentonan pa cambia e coriente." Esaki ta loke Prome Ministro di Aruba, Mr. Henny Eman a trece dilanti ayera na apertura di e encuanto Liderazgo, organisa pa ECA NV.com y Wyncom na Seaport Conference Center.

Prome Ministro Eman a inicia cu un toke personal, dunando elogio na señor Aldrich Croes, organizador di e evento y yiu di difunto Chibi Croes, kende a keda reconoci como un lider special.

E gobernante di Aruba a recorda Difunto Chibi Croes como un homber, cu tabata busca inspiracion den lidernan mundial pa e por a sirbi su pais.

Reflexionando ariba liderazgo, e Prome Ministro a muestra cu e oportunidad a worde crea pa comparti den e experencianan di lidernan mundial. El a muestra cu den transcurso di historia, por a mira con e talento unico di hende pa dirigi, inspira y motiva por worde guia den rumbo di causanan noble pero tambe a lanta debilidadnan peligroso.

Mr. Henny Eman a muestra cu na e ocasion lo a topa cu e liderazgo real. Lidernan, homber y muher, comprometi den e lucha, e problemanan y finalmente victoria ariba bareranan y obstruccionnan.

Cada momento y cir-

cumstancia ta rekeri un lider especifico cu ta nace den e necesidadnan di un compania, un familia, un nacion, un causa.

E Prome Ministro a muestra cu na 1986 el a tuma riendanan di un pais nobo, meymey di un crisis nacional. El a experencia e reto y e peso di e sentido ora un pais, uni den problema y inseguridad ta contemplabo como e individuo pa guia nan atravez di e temponan mas ansioso den nan bida y mas dificil den nan memo-

ria.

E ansia personal pa sirbi ta bira e instrumento pa transforma un pais den un nacion, guia lidernan di un comunidad na un mañan nobo, alcanza un obhetivo comun. Hunto e logro a worde alcanza y Aruba a haya e dignidad di triunfo.

Mr. Henny Eman a muestra cu durante e conferencia lo a topa cu e experencianan di otronan, cu mester a enfrenta e retonan di nan tempo, nan Pueblo y nan pais. Pesey e conferencia mester a ensancha e realizacion y disposicion pa bira instrumento den transformacion di un ideal comun, un lucha nacional, un soño noble, den realidad.

Refiriendo na e dicha, cu bo no por pone pia dos bez den e mes rio, Mr. Henny Eman a muestra cu e significacion real di e proverbio aki ta, cu e rio no ta keda mescos. E ta sigui core y ta cambia continuamente atravez di invencion y inovacion.

Awe ta papia di E-commerce y globalizacion, pero tambe di e factor humano

Prome Ministro Eman na apertura di Congreso ariba Liderazgo

Lidernan ta nace den necesidadnan y expectativanan comun

den e cambionan aki. Con atende cu tanto cambio, den un evolucion rapido cu tur su retonan, dificultadnan y oportunidadnan?

Mr. Henny Eman a muestra ariba tur e responsabilidadnan di e liderazgo necesario awe. "Personalmente mi a pasa

den e proceso aki na diferente forma di un generacion pa otro. Hopi bez atravez di temponan duro. Pero awe mi ta comprende cu momentonan duro y dificil, por bira oportunidad y crecimiento pa un nacion y su pueblo," e Prome Ministro di Aruba a trece dilanti.

Boolchand's
SINCE 1930 Caya G.F. betico Croes #10

HAS THE FOLLOWING POSITIONS AVAILABLE:

AFDELINGSHOOFD INKOOP/VERKOOP (JEWELRY)

AGE: 25-35

QUALIFICATIONS:

- Graduate HSC
- Must have 10 years of experience in the same field
- Must have experience of Jewelry, Watches and Crystals
- Must have Computer Knowledge
- Must be able to speak one European and one Asian Language
- Must be an Aruban Citizen

If you have the above qualifications, willing to work flexible hours, willing to accept challenges and climb the corporate ladder, please send your curriculum at P.O. Box 170

Salary and Benefits will be as per qualifications and experience.

Pa bo mensahe di "Valentine"

*Sorpresa
bo amor
cu algo
special*



Manera DIARIO sa haci tur aña, e aña aki atrobe nos tin nos edicion di mensahenan pa Dia di San Valentino.

Trece bo mensahe pa bo ser queri y nos lo publique den nos edicion dia 14 di Februari.

Potret tambe ta bon bini

Entrega bo mensahe promer cu dia 11 di Februari na oficina di DIARIO